

նատուրոյ՝ զՀիսմէթի էֆէնտին, էֆէնտոյն մեր պաճա-
նախ:

Կիրակի ժ-ի Մեծահրաշի. անդ ի տուն էֆէն-
տուն գնացի ընդ Պէկէրն շնորհաւորել զմեծութիւն
նմին:

Աւուրքս թագաւորն հրաման արար զի մի բանեա-
ցին կամ շինեսցեն շէնս յամենայն քաղաքս, ալ ի
վերայ նաւացն պատերազմի եկեսցեն ամենայն ճար-
տարք և ի հուն հանցեն, զի և տացին օրերս՝ թէ
կրկին այժմ ևս Ֆռանկն զնաւս սոցին աւերեալ է առ-
նելով մի քանի կտոր:

Գշի (12 Մայիս). օլօֆէն ելաւ:

Եշի օրս (14 Մայիս) զմուֆտին փոխեաց թագա-
ւորն, վասն զի տուն շինէր յայսմ առենի, և թագա-
ւորն անդէն անցեալ և տեսեալ զայն և ի բարկութիւն
հարեալ եթէ ես հրաման եմ արարեր որ բնաւ ի քա-
ղաքս ամենայն ոչ մի հիւսն բանի և զու այսչափ բան
բանիլ կու տաս. այս պատճառաւ փոխեաց և եդ մուֆ-
տի զՊօլուլուն, որ եւ աւուրքք յառաջ առեալ էր ըզ-
փայէն ուռումէլութեան լրբութեամբ իւրով և մար-
դելուզէր վէզիրին, քանզի յոյժ սիրեցաւ անտի. եւ
վաղվաղակի աճապարելով զայս արարին, որպէս զի
լիցին ներքուստ և արտաքուստ միմեանց յոյս: Եւս
և զօրդի մուհտուն մանզուլ արարին, որ Ղալաթու
մօլլա, և զմուֆտին աքսորեցին ի Ֆիլիպէ: Եւ մունե-
տիկն աղաղակէր յամենայն գլուխս շուկայիցն թէ Ա-
մենայն որ ծառայ է թագաւորին՝ պատերազմի պատ-
րաստութիւն տեսցէ իւր, զի թագաւորն հրամայեաց
փոյթ ընդ փոյթ:

Յաւուրս յայտոսիկ պատրաստութիւն ետես իյաջա-
տուր վարդապետն աշակերտ Տեառն Ոհաննու Եգեսա-
ցոյ՝ վասն կաթողիկոսութեան Տանն Կիլիկեայ, և ո-
մանք ի չարեաց առաջնոցն աղմուկս հանեալ չկամե-